

Nwa wù Bol gè san fε kintaashε ki Filibi le Fiεε fi le a Nwa wu Filibi wunε le

Nwa wunε gè san Bol fε kintaashε ki bamii ba mbεmε ki Filibi le. Wu le a ηgoo yi banwa ba wu gè san yeh yi ncha le Lum. Fiεε fi gè ge Bol fε wu san ηwa wunε gè bee ki wu dûnyε le wu le wu yeη bige bî kintaashε ki Filibi kiyu gè chiinse le. Kin kufε ki jε yi Bol ki a ηwa wunε le, le le, “Fε mεne, mε nε nle yu, tu nle gεh fε Kletu le, mε nε nle ηkwe, tu le mbe fε mεne (1:21).” Bol jεme kune bvukugε bvu Tada wese besabεη wù Jiso Kletu, no wu gè shiishe kikwεε ke wu tu nje nfwā, Nyo mo wu tu wu bæηse wu, wu gεε wu kijuse kî kuge kî fede ki muh wuchii le. Wu le wu tan bo le kinche kiboo yi Kletu le, le nnya yi Nyo bii fitele fie fi jonε fi wù kεme fε bo le fede yi fitele fi bo lese yeye le, gε nyume nje bo gele banchi ba won wu Bajuu gε. Nwa wunε le wu jεmε baan kune kinlanje bε ki gêε bvufee yi fiεε fi Kletu le ya maηe gε bε ki nyûme yi kintaashε le bε ki kaane shén yi mbεmε le mo yi kinche kî mεεse le.

Bikwεε bi mwεε mù le a Nwa wunε le

1:1-11 Fεηkεε

1:12-26 Mwεε mù kooshi bε Bol

1:27-2:18 Kinche ki muh wù le wu taashε bε Kletu

2:19-30 Njεme kune Timoti bε Ebafloditu

3:1-4:9 Nteefε kune bamii ba kimbanε mo banje

4:10-20 Bamii ba Filibi le nsáa yi Bol
4:21-23 Ban'yεε

¹ Nwa wunε sanj mε wù Bol besa Timoti ba le boonj ba lεme ba Kletu Jiso. Nwa wunε gεεne fε bεnj le, bamii ba le ba Kletu Jiso bachii ba Filibi bε bachiji bikwεε bi bintaashε bi bamii ba mbεmε mo bamii ba fih ki bo gēe chilεme a kintaashε kiyu le.

² Nyo wù Chiji wese besabεnj bε Tada Jiso Kletu dūnyε fitele fi jonje fε bεnj le, bo ka bo nyâ bεnj bε muntele mù nyiεgee.

Bol nya kiyone Nyo le fε bamii ba Filibi le

³ Nto ηkwaji kune bεnj segechii, nyaa gεh nyu kiyone Nyo wanj le.

⁴ Ndoo mbuune buunε chanj chichii fε bεnj le bachii, mbuune segechii n'yuge njonj,

⁵ nje kεge yi juu chĩ fwe le to bu abεnj, bεnj le bεnj taashε besabεnj ki bee lεme lε saaka wù jonje wù kune Jiso Kletu gēεne fwe.

⁶ Nkee chuule lε Nyo wù gè kε lεme chĩ jonje chinε yi ye yene le, lé wu gēεnj bε chi fwe wu gēεnj wu mēεε juu chĩ Jiso Kletu lé wu gē wu kâase wu tô.

⁷ Fi le chuule lε ηkwâji kune bεnj bachii noo, nje bεnj le fitele fianj, besabεnj lεme yi fiεε le fimimia nyu fi fi Nyo le wu nya besabεnj yu. Besabεnj lεme yi fi le mēεε gεh no besabεnj to be lεme, kεnε kife kĩ nle yi ncha le, kεnε kĩ njiεnyi ntaanyi jwe wu kinchiεεnj ki saaka wù jonje, ngee wu chiime gεnj chuule.

⁸ Njεme noo, Nyo kee chuule lε ηkεme ntañ wene wesee, ηkonje bεnj bachii bε kinjonje ki Kletu Jiso.

⁹ Mbuune lε kinjonje kena kûu ki gēεne fwe fwe, bεnj kεme bvufee, bεnj taade mwεε chuule.

¹⁰ Bɛŋ doo bɛŋ taade noo, bɛŋ mo bɛŋ châge mù le chuule. Noo, ge doo nyume juu chî Jiso Kletu kaase wu too, bɛŋ nyûme bɛŋ yûude, bɛŋ nyume jiale sɛŋ.

¹¹ Bɛŋ lé bɛŋ gê bɛŋ nyûme noo a bɛŋ yisɛ bɛ gee chî le kinche kî chaan kî bɛŋ kɛme fede yi Jiso Kletu le. Fine le fi ge mankun bɛ mbɛɛŋsɛ gɛɛne fɛ Nyo le.

Bol nyume yeh yi ncha le, saaka wù kune Jiso gɛɛne gɛh fwe

¹² Boon ba bwɛɛŋ, ngoone lɛ bɛŋ kêɛ lɛ mwɛɛ munɛ munchii mù le mu koosɛ bɛ mɛ le mu fih ki mu gê lo chuule saaka wù jonɛ kune Jiso kù wu gɛɛŋ lo fwe fwe.

¹³ Mwɛɛ muyu le mu ge bamii ba chiɛɛne nto, mo bamii bachii bo kêɛ lɛ nle yi ncha le fɛnɛ nɛ nje Kletu.

¹⁴ Ncha wù nlɛne wunɛ le wu tu wu ge muntele yufɛ lo boon ba bwe wese besabɛŋ yi Tada le ba duude, bo feeji jɛ yi Nyo bo tɛɛme lo chuule, bo faane gɛ.

¹⁵ Nkɛɛ lɛ bo bamu feeji kune Kletu nɛ bo bɛɛne nyu kindon besa bo, bo ka tanɛ ki bo fe mɛ. Geenɛ bamu feeji fiboo bɛ nkɛwajɛ wù jonɛ.

¹⁶ Ba ajin banɛ feeji noo, nje bo konɛ mɛ, bo kee lo lɛ nle yi ncha le fɛnɛ gɛle Nyo mɛ, wu lɛ ntâanyi jwe wu saaka wù jonɛ.

¹⁷ Bamu baa feeji kune Kletu gɛh fɛmu fɛmu bo goone nyu jee fɛ bikwɛɛ biboo le, wu lɛ bo gɛɛ noo bo biise ngɛ yi ngɛ wù n'yɛne wa fɛnɛ yeh yi ncha le.

¹⁸ Fifiɛɛ kɛme la ki fi gê? Kɛnɛ bo feeji noo bo buuse lo, kɛnɛ bo feeji bɛ nchiɛɛŋ, tu n'yuge gɛh fian nyu ngon nje fichii ba feeji gɛh nyu kune Kletu.

19 Le gɛh no nlé ngê n'yûge njon noo, nje nkee lo le no bɛɲ buune fɛ mɛne, Kiyo ki Jiso Kletu ka fih mɛ, nlé ngê mbonɛ.

20 Fiɛɛ fi njiine fwe yi fi le, nchiɛne lo chuule, le le keefe nkême lo bvuya gɛ. Nlé nkâane gɛh nyu shɛɲ chuule, wu le yi mwɛɛ munchii mù ngee bɛ ye yan le mu chîaase gɛh nyu Kletu we mɛɛse nje segechii, kɛnɛ mɛ nle yu kɛnɛ nyu nkwe.

21 Njɛme noo nje, fɛ mɛne, mɛ nɛ nle yu, tu nle gɛh fɛ Kletu le, mɛ nɛ nle nkwe, tu le mbe fɛ mɛne.

22 Geenɛ, nɛ le le nlé nyûme yu, ngêe lɛme chî fih bamii chuule. No mwɛɛ munɛ le munfɛɛ nɛ, mbaan ka kɛɛ gɛ laa nlé nchâ nyu fi la le.

23 Njiine gɛh lo yo antɛnɛɛ. Ngoone le tanlo ngêene lo fian, ngɛɛɲ nyume besa Kletu. Fi finɛ jonɛ baan fi fede ki mɛ nyume yu.

24 Geenɛ, fi shan baan le le mɛ nyûme yu nje bɛɲ.

25 No fi le noo, nkee lo n'ya manɛ gɛ le nlé nyûme yu nlêne besabɛɲ bachii wu le bɛɲ kûu bɛɲ gêene fwe, bɛɲ ka yûge njon no bɛɲ le bɛɲ leesɛ fitele yi Kletu le.

26 Noo, ndoo nkaase nto nyume besabɛɲ, bɛɲ ka bɛɲ chîaase lo ye chuule kune Kletu Jiso nje mɛ.

Bɛɲ chêe kinche kî Jiso Kletu goone

27 Fiɛɛ fi ngoone ki ndu le le bɛɲ chêe kinche nyu kî saaka wù jonɛ wu Kletu goone. Bɛɲ chêe noo, wu le kɛnɛ nle nkaase nto n'yɛɲ bɛɲ le, kɛnɛ mbaan nto gɛ, n'yûge gɛh le bɛɲ lɛme bɛɲ tɛɛme, bɛɲ kɛme fitele fimimia, bɛɲ nyume yi muh le wu mumwaa, bɛɲ juu yi fiɛɛ le fimimia yi mbɛmɛ le kune saaka wù jonɛ, wu le saaka wù jonɛ wunɛ gêene fwe, bamii bɛmɛ wu le.

²⁸ Keefe beŋ fâane lo bamii ba banε beŋ yi saaka wunε le γε. Ne beŋ faane γε bo γε, finε dûunyi bo le le Nyo lé wu bvûσε beŋ, geenε wu lêeshε lo bo.

²⁹ Beŋ kêe le Nyo baan buu γε beŋ le beŋ nyûme bamii ba Kletu le beŋ bêeŋ geh lo wu le maa γε, wu le wu buu tε beŋ le beŋ yêne ngeŋ nje Kletu.

³⁰ Beŋ le beŋ benye wa mεne le besabeŋ jûu yi saaka wunε le bachii wù beŋ gè yede njuu yi wu le, nyu geh wu wù beŋ yuge le mbaan yi wu le mεese.

2

Beŋ jôde njiŋε yi Jiso Kletu le

¹ No beŋ le beŋ taashe wa bena ba Kletu wu ge muntele mwεna yufe, no kinƙonε ke fε beŋ le le ki ge wa muntele mwεna tu mu jiεε, no bena Kiyo ki Yuude le wa yi kitaashe le, no beŋ keme wa muntele mù njonε beŋ ka koode yii fε muh no muh le,

² beŋ gê le mε mo mmeσε nlânεye. Bvufee bwena nyûme bvû mumwaa, kinƙonε kena nyûme kimimia, beŋ kême fitele fimimia beŋ ka kême nkwaŋε wu mumwaa.

³ Keefe muh kwâji geh nyume kune kikwεε ke kenε wu chîaase ye yî achiji γε. Muh shîishi kikwεε ke fεkuu, wu yêne muh mu le fede kikwεε ke.

⁴ Keefe muh gôone ki wu gêe fiεε nyume geh fi le fi fih wu γε. Wu gôone nyu fi tanlo fi fih tε bamii bamu.

⁵ Kinƣe kena keme ki ki nyûme yeŋyeŋ nje ki Kletu Jiso.

⁶ Wu gè bee fiεε fichii fi Nyo le fi kibεε, geenε wu fan ki wu jô fiεε fi le be Nyo le yeŋyeŋ fi nyu fiεε fi wu mê wu nêεmε yi fi le γε.

⁷ Wu jo kikwεε ke le ge wu nyu fiεε ge,
wu jo nyu ki nfwale.

Ba mo ba boo wu,
wu nyume yeηyeη nje muh wu wuη.

⁸ Sege wù ge bee muh wu wuη,
wu shiishe kikwεε ke wu yuge Nyo le,
wu ge beη ki wu kwê kwe,
fedemunchii, kwe yi yi kintaη le.

⁹ No wu ge ge noo, Nyo beηse wu,
wu gee kijuse ki fede ki muh wuchii le,
wu nya wu jee chi fede ajee achii,

¹⁰ wu le muh wuchii wù le yi won wù we le,
be wù le yi nshη le mo wù le a nshη kuu,
ge doo wu yu jee chi Jiso chiyu, wu tun anyuu
fekuu,

¹¹ muh wuchii jême be jwe we le Jiso Kletu le Tada.
Bo doo bo gee noo mbeηse gêene fe Nyo wù
Chiji le.

Beη baan won kfunε le nje jón

¹² Noo nsáa yan yi shén, beη yúge geh te Nyo le
noo no beη ge yuge sege ngè mbee besabη. Beη
yúge meεse beη yage lo no mbaan ge besabη ge.
Beη gêene fwe beη gêe mwεε mù kune mbvuse wù
ba lé ba bvúse beη. Beη gêe noo, beη fáane, beη
shínshi.

¹³ Beη kée le lene Nyo ye yene le, wu gee le beη
gôone ki beη gêe mwεε mù wu konε, ka nyaa wu
bvunεa ki beη gêe mwεε muyu yu.

¹⁴ Beη doo beη gee fiεε fichii fi beη gee, keefe beη
shúnshi ge, kenε beη tēnyi kintēnyε ge,

¹⁵ wu le beη yúde, beη nyúme jiale sēη. Noo, beη
mo beη nyúme boon ba Nyo ba le jiale sēη antēneε

a kingoge kinε kɪ kεme muntele mù yiide, kɪ chεŋε bε mwεε. Yi wonɔ kfunε le bεŋ baan wa nje jón

16 no bεŋ jiji * saaka wù nyaa kinche kɪ kage gε bamii le. Nε bεŋ gee noo, ge doo nyume juu chɪ Jiso Kletu kaase wu too, nchɪaase ye le mbaan nlegε gε kinlegε kɪ achiji kεnε nleŋ lεme chɪ achiji gε.

17 No bεŋ le bεŋ leese fitele yi Nyo le, tu le kintanyε kɪ bεŋ ge fε wu le. Mo nyume le bo lé bo mεse bo fû mε nje mbvuun ma kintanyε, taade yi kintanyε kena le, n'yûge gεh nyu njon, nlânje ye besabεŋ bachii.

18 Noo, bεŋ tε bēnyε yi mεne besabεŋ yûge njon bee lânje ye.

Boljeme kune Timoti bε Ebafloɖitu

19 Nε Tada Jiso bεme lo, tu n'yεne le sheshi shige ntun Timoti fε bεŋ le. Sege wu doo wu to wu kaase wu tu jin, wu sēŋ mε no bεŋ le, fitele fian jɪɛɛ.

20 Gε ŋkeme muh mu nje wu wù kεme tε ntaŋ wesee fε bεŋ le nje no ŋkeme gε.

21 Njεme nε, nje bamii ba duude kεme ntaŋ nyu fε bikwεε biboo le, bo jiine gε kune fiεε fi Jiso Kletu goone gε.

22 Geenε, Timoti le bεŋ kee le wu le wu dunyε wa muh wù le wu, no wu le wu leŋ wa besa wu ki bee fēeji saaka wù jone, wu lεne besa wu gεh yεŋyεŋ nje no mwa to wu lεne bε chiji.

23 Le fiεε fi n'yεde le sheshi shige ntun nyu wu. Fiεε fi mbaan njiine ki n'yεŋ le laa mwεε lé mu tû nεε ye yan le la.

24 Ngεede bvufee yi Tada le le sheshi shige, mε kibεε ntô tε n'yēŋ bεŋ le.

* 2:16 kεnε le, “no bεŋ feeji.”

²⁵ N'yede fi kooji le nkaase nchiinse Ebafloditu fe ben le. Wu le mwa bwee wese besaben wu besa wu lene bee ka juu yi je yi Nyo le. Le muh wene wu ntun wu ben ge tun le wu to wu jine fe mene.

²⁶ Wu keme ntan wese ki wu yen ben le bachii, fitele fuunse wu no wu chi yu le ben le ben yu le wu chene lo.

²⁷ Le nchiene, wu chi wu chen baan sheshi geh ne shige wu chi wu kwe. Geen, Nyo chi wu koo yii fe wu le. Ge wu chi kole geh nyu fe wu le maa ge, wu chi wu koo yii fe mene te le keefe wu kwê wu ka wu bise nge yi wu n'yene wa le ge.

²⁸ Noo, me mo ngoone baan le nchiinse wu, wu le ben ka ben yen wu le ben yuge njon, fitele fian ge ka fi fuunse wese ge.

²⁹ Ben fi wu nje bamii ba Tada be njon wuchii. Bamii nje wu tanlo ben ngvune bo.

³⁰ Njeme ne nje chi sheshi geh ne shige wu chi bee wu kwe nje leme chi Kletu no wu chi nya kikwe ke ki wu jine fe mene yi kijuse kena le.

3

Fi ee fi kuge le ki kê Kletu

¹ Boon ba bwene, ki me mense, ben lane ye le ben le bamii ba Tada. Nle nsan wa mwee fe ben le, ge tanlo nfwene ki njeme nka nkaase ntuu fo ge. Ngee noo ki ngen lo ben.

² Ben yene be bamii baa bo gee mwee mu mbefe, bo leme geh le ba keme ki ba seeyi ye yi bamii.* Bamii bayu ban le lo bvú.

* **3:2** Ki see ye yi muh le ki chvuu wu yeh, ge bee kinche ki Bajuu le ba chvuse lo muh yeh fe wu nyume le wu le muh wu Nyo (Efesu 2:11).

³ Le besabɛŋ banɛ be kɛme nchvuse yeh wù kooji, bee ba buune Nyo no Kiyo ke duunyi, bee ba chiaase ye nyu nje Kletu Jiso. Gɛ besabɛŋ gɛɛde bvufee yi mwɛɛ mu yi nyan yi ye le gɛ.

⁴ Geenɛ, tanlo ɲkɛme tɛ ntaŋ ki ɲgêɛde bvufee yi mumwɛɛ mwɛɛ le. Nɛ muh fɛnɛ le yu wù kwaji lɛ wu tanlo wu kɛme ntaŋ ki wu gêɛde bvufee yi mwɛɛ mu yi nyan yi ye le, tu ɲkɛme nfede mwɛɛde.

⁵ Ba gè chvuu mɛ yeh yi aju le nyaan, nle muh wu Ishwala, a kfuu chi Bɛnjamɛ le, nle muh wu Ba'ibulu, mboyɛ Ba'ibulu. Doo tu kimbe ki banchi besa le, nyume muh wu Bafalashii.

⁶ Doo tu kimbe ki ɲkɛme ntaŋ baan ki ɲgeɛ fiɛɛ fi Nyo a je yi Bajuu le, ɲgè mboone bikaa a kintaashe ki bamii ba mbɛmɛ jiiŋ. A kimbe ki banchi besa le no tanlo muh nyûme chaan, ɲgè ɲkɛme gɛ jiale gɛ.

⁷ Geenɛ mwɛɛ mù ɲgè nshee n'yɛde nyu mwɛɛ mù mbe fɛ mɛne, le n'yɛde wa mɛɛse lɛ le mwɛɛ mù achiji nje fiɛɛ fi Kletu le wu ge fɛ mɛne.

⁸ Gɛ mɛ gɛh mumwɛɛ maa gɛ, n'yɛde mwɛɛ munchii le mu nyu lo mwɛɛ mù achiji fɛ mɛne, nje fiɛɛ fi kuge fi fede mwɛɛ munchii le ki ɲkêe Tada wan wù Kletu Jiso chuule. Nle non wa mwɛɛ mune munchii nje wu. N'yɛde wa mu le nyu mwɛɛ mù nyiɛne, wu lɛ mbe wan nyûme Kletu,

⁹ besa wu lé be mêse be nyûme yi muh le wu mumwaa. Gɛ baan ka nyume lɛ Nyo le wu jo mɛ lɛ nle chaan a wu jii bii yan je yì le yi banchi besa le gɛ. Wu jo mɛ nyu nje nle nleesɛ fitele yi Kletu le. Ki nyume chaan a Nyo jii bii nyu fitele fi muh leese yi Kletu le.

¹⁰ Fiɛɛ fi ɲgoone mɛɛse le lɛ ɲkêe Kletu chuule,

ηκême bvunga bvù wu keme no wu gè kaase wu bu yi kwe le. Ngoone tε ki n'yêη banγε no wu gè yeη, bε ki nyûme nje wu yi kwe ye le,

¹¹ wu ε je nε le yu Nyo ge wu bvûse tε mε yi kwe le.

Nlune njiηe gεh nyu fwe

¹² Gε njeme nε le nle ηge wa mwεε mune γε, kene le nle nfεse wa γε. Mbaanη nlune gεh le ηge nonη kibo njiηe mwεε muyu le a mε bo, nje Kletu Jiso le wu jo wa mε muh we le.

¹³ Boonη ba bwεεη, γε n'yede le nle njiηe wa mwεε muyu le a mε bo γε. Geenε, fiεε fi ηgee le gεh le ndaayi a mwεε mù fe wa le, nlune gεh le njiηe nyume mù le fwe le.

¹⁴ Nlune njiηe gεh nyu fe ηγεεne fo, ki ηkeme maaje wù le nteηe wù Nyo le wu tεεη mε le mbεεη nto we, no nle ntaashe wa besa Kletu Jiso.

¹⁵ Besabεη bachii ba le ba ta wa yi mbεmε le, bee keme ki bee kwâji mwεε a yine je le. Geenε, nε bεη kwaji mwεna mwεε yeye, tu le Nyo wù lé wu yûuse tε mumwεε bεη le.

¹⁶ Fiεε fi kuge le gεh le besabεη jiji chuule nyu fiεε fi besabεη le bee ye ye wa le.

¹⁷ Boonη ba bwεεη, bεη jôde njiηe fe mεne, bεη ka bîji tε kinche kî bamii bamu chee no bo le bo jo njiηe fe bee le.

¹⁸ Njeme noo nje gεh no ηge nshee njeme bεη le chikε le chikε le, ηka njeme mεεse mo bε joo ajii le le bamii ba duude le yu bô chee kinche kî duunyi le bo bane lo saaka wù le Kletu gè kwe yi kintaan le.

¹⁹ Bobaa bamii lé ba gê ba lêεshe lo bo. Wuboo nyo le jwe wu jii. Bo bεεηse ye yi mwεε mù bo bee

ki bo kême nyu bvuya yi mu le. Nkwajε wuboo le gεh yi mwεε mù fεkuu fεnε le.

²⁰ Besabεη le fiesa bamii ba won wù fεwe le. Le fo fε besabεη chiεεne lo le Mbvuse wese besabεη wù Tada Jiso Kletu lé wu gē wu já fo, wu tō.

²¹ Sege wu doo wu to, wu kusε ye yese besebεη yĩ nchε nchε chinε yi tu njε ye ye yĩ keme ηgvunε. Wu lé wu gē wu kūsε nyu bε bvunga bwe bvù wu lé wu gē wu bányε mwεε munchii wu nyu yo awe.

4

Bol nya nteefε bamii ba mbεmε ba Filibi le

¹ Noo, boon ba bwεεη ηkonε bεη baan ηka keme kinkonε ki n'yεη bεη le. Le bεη ba gee n'yuge njon, bεη ka nyume kifo kan ki bvunfon. Nsáa yan, bεη mo bεη lême gεh bεη tεεme yi Tada le.

² Nlεge le Ewodia bε Sintichε bo tũ jwe wu mumwaa no bo le muh bε mwa bwee yi Tada le.

³ Nduu tε wo wù le muh wan wù nchiεεη wu ηgoo wu lεme le, le wo fih bikεse banε bo tũ jwe wu mumwaa. Le bamii ba lun wa besa bo yi lεme chi saaka wù jonε wù kune Jiso Kletu bε Klemen mo bamii bachii ba besa bo gè lene. Bamii banε le ajee aboo nyume wa a ηwa wu bamii ba keme kinche kĩ kage gε le.

⁴ Bεη lânεye segechii yi Tada le! No njεme, ηka ηkaase ntuu fo le bεη lânεye!

⁵ Bεη dûunyi gee chĩ nyiεgee muh le wuchii, bεη tâne le kife kĩ Tada lé wu káase wu tō le wa mbebe le.

⁶ Keefε bεη búge lo kune fiεε fimi gε. Bεη búune lo fε fiεε le fichii bεη gêede bvushi bvù Nyo le. Bεη

doo beɲ buune beɲ bíide mwɛɛ mù beɲ ngoone wu le, beɲ nyâa kiyone yi mù wu gee le.

⁷ Nɛ beɲ gee noo, Nyo mo wu nya beɲ nyiɛgee we wu chíɛne muntele bɛ bvufɛe bwena no beɲ le bamii ba Kletu Jiso. Nyiɛgee wunɛ wù Nyo nyaa yage bvufɛe bvɔ muh wu wunɲ bvuchii ki wu kêɛ.

⁸ Boonɲ ba bwɛɛɲ ki mɛ mɛsɛ, mwɛɛ mù beɲ kɛme ki beɲ kwâji le mwɛɛ mù le mù nchiɛɲ bɛ mwɛɛ mù kɛme ɲgvunɛ, mo mwɛɛ mù kooji. Beɲ kwâji mwɛɛ nyu mù yuude bɛ mwɛɛ mù tanɲo bamii konɛ, mo mwɛɛ mù shɛɲ tanɲo yi tâ muh yu. Nɛ mwɛɛ le yu mù njonɛ mu gɛɛne mu mɛɛsɛ, nɛ mwɛɛ le yu mù tanɲo bamii bɛɛɲsɛ, beɲ tu beɲ kwâji nyu kune mumwɛɛ.

⁹ Beɲ gɛɛ mwɛɛ beɲ bíi gɛh nyu n'yɛyɛ wù ɲgè nya beɲ le, kɛnɛ le mwɛɛ mù beɲ gè yuge lo a mɛne, kɛnɛ le mù beɲ gè yɛde lo. Beɲ doo beɲ gee noo, Nyo wù le Nyo wu nyiɛgee mo wu nyûme bena bo.

Bol lanɲeye no bamii ba Filibi kɛme ntanɲɛ wu le

¹⁰ Tada le wu ge ntu nlanɲeye baanɲ no beɲ ka kɛme ntanɲ ɛ mɛne gɛh no beɲ chi shee beɲ kɛme. Nkɛɛ chuule ɛ beɲ chi kɛme ntanɲ ɛ mɛne, gɛɛnɛ fuge nyu je.

¹¹ Gɛ ɲjɛme nɛ ɛ nfuge fíɛɛ gɛ. Nle n'yɛyɛ wa ɲkɛɛ ki nfii mwɛɛ munchii.

¹² Nkɛɛ no muh to wu nyume sege wu fuge, ɲkɛɛ no muh to wu nyume sege wu kɛme baanɲ. Mɛ mo n'yɛyɛ finɛ ɲkɛɛ no tanɲo nfii mwɛɛ munchii segechii kɛnɛ nle ɲji, kɛnɛ mbaanɲ ɲji gɛ, kɛnɛ ɲkɛme baanɲ kɛnɛ nfuge lo.

¹³ Nkɛɛ ki ɲge mwɛɛ munɛ munchii nɛ, nyu bɛ bvunɲa bvù Kletu nya mɛne.

14 Geene, mo no njeme ne, beɲ le beɲ ge chuule ki beɲ fih me yi kife ki nge wan kine le.

15 Beɲ bamii ba Filibi kee lo le ge bee sege nge ja won wene le Masedonia no nge ke ki nfeeji saaka wu jone wune beɲ le, ge kintaashe ki bamii ba mbeme kimi ge taashe besa bo ki be taase chiaaɲ besa bo ge. Ge me geh beɲ.

16 Ge bee sege nge bee Tesalonika,* beɲ chiinse nfi fɛ mene, beɲ ka beɲ chiinse.

17 Ge njeme ne le njiɲe le beɲ chɪɲse mwee mene ge. Njiɲe baɲ nyu maaje wu Nyo le wu ge wu nyá beɲ le yi fɛe fi beɲ gee fɛ mene.

18 Beɲ ge tun Ebafloɲitu be nnya le wu to wu nyá mene. Ge mbaaɲ fuge fɛe mɛese ge. Nge nfi nnya yiyu yichii, n'yeɲ yi duude yi fede lo no ngoone. Nnya yine saane yi gwee wuɲ fɛ Nyo le, nyume kintanye ki beɲ ge wu fi, yi jone wu le.

19 Nyo wan keme nchvu yi bvukuge bvú baɲ, wu le wu ge wu mo wu nyá beɲ mwee munchii fede yi Kletu Jiso le mu beɲ fuge.

20 Besabeɲ tume maɲkuɲ ma Nyo wu le Nyo wu ka nyume Chiji wese besabeɲ segechii wu kage ge. Fi nyume noo.

Ban'yeɛ

21 Beɲ yeɛ bamii bachii ba yuude yi Kletu Jiso le beɲ nya mene. Boɲ ba bwe wese besabeɲ ba le besa bo fene bo yeɛse te beɲ le.

22 Bamii bachii ba le ba Nyo yane, yeɛse beɲ le, fede munchii ba le a nto wu Kaisa le fene.

* **4:16** Tesalonika yane ge bee kilaanteɲ kimi won wu Masedonia le.

²³ Tada wese besabeŋ wu Jiso Kletu dûnyε fitele
fi jonε fε biyo biεna le. Fi nyûme noo.

Nchane (Ncane)
The New Testament in the Ncane language of
Cameroon: Nchane (Ncane) (New Testament+)

copyright © 2020 Wycliffe Bible Translators, Inc.

Language: Nchane (Ncane)

Contributor: Wycliffe Bible Translators, Inc.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-16

PDF generated using Haiola and XeLaTeX on 16 May 2025 from source files dated 16 May 2025

5108ebb0-51ad-5d6b-94ef-93cc302ed337